



Broj: 05/1-50-13-29-22-5/16
Sarajevo, 21.7.2016.

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s ministrom sigurnosti BiH

Sastanak je održan 29.6.2016., s početkom u 9,30 sati, u prostorijama Ministarstva sigurnosti BiH u Sarajevu. Prisustvovali su: Dragan Mektić, ministar sigurnosti BiH, Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ivana Lovrić, sekretarka Nezavisnog odbora, i Admir Malagić, potporučnik Ministarstva sigurnosti BiH.

Ministar sigurnosti BiH Dragan Mektić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Žiko Krunić, predsjednik Nezavisnog odbora, ukratko je obrazložio razlog posjete. Rekao je da je posjeta u skladu s Planom i programom rada Nezavisnog odbora za 2016. godinu, ali i kako bi dali svoj zajednički doprinos u smislu pomoći policijskim agencijama iz svoje nadležnosti.

Ministar Mektić informirao je članove Nezavisnog odbora o trenutno najvećim sigurnosnim izazovima s kojima se suočavaju sigurnosne agencije, prvenstveno terorizmom te korupcijom. Napomenuo je da je pokrenuta regionalna inicijativa na teritoriji Zapadnog Balkana kada je u pitanju terorizam i krijumčarenje oružja. Poseban fokus stavlja se na preventivne mehanizme sprečavanja radikalizacije i jačanje procesa deradikalizacije.

Također, ministar je naglasio da će krajem augusta biti potpisan Operativni sporazum s Evropskim policijskim uredom (EUROPOL). Potpisivanje tog sporazuma podrazumijeva operativnu i tehničku saradnju s centralom EUROPOL-a.

Ministar Mektić osvrnuo se kratko i na trenutnu situaciju u Državnoj agenciji za istrage i zaštitu BiH kada je riječ o suspenziji 11 policijskih službenika. Naglasio je kako je to kamen spoticanja te da daje svu potrebnu podršku da se što prije izađe iz tog problema kako bi Državna agencija za istrage i zaštitu BiH nastavila normalno funkcionirati.

Također, informirao je članove Nezavisnog odbora da se radi na novom Zakonu o policijskim službenicima BiH te da se u saradnji s predsjedavajućim Vijeća ministara BiH nastoji poboljšati materijalni položaj policijskih službenika u smislu povećanja plaća i naknada koja bi bila u svrhu nadoknade za specifičnost posla koji obavljaju.

Zajednički je zaključak da Ministarstvo sigurnosti BiH i Nezavisni odbor kroz svoj rad trebaju zaštititi policijske agencije od političkih udara i uticaja kako bi mogli profesionalno i nesmetano raditi i boriti se protiv svih oblika kriminala.

Dogovoreno je da ovi sastanci ubuduće budu češći kako bi o svim bitnim pitanjima za sigurnost razmijenili mišljenja i našli najbolja rješenja za sigurnosni sistem.

PREDSJEDNIK NEZAVISNOG ODBORA

Žiko Krunić